

存神燒香

香官使者左右龍虎君侍香諸靈官當令臣設醮之所自然生金液丹碧芝英百靈聚真交會在此香火爐前令臣學道得道求仙得仙齊官獲福幽顯沾恩十方仙童玉女侍衛蘭廷傳臣向來所啓速達徑御太上無極大道北陰鄧都玄天大帝御前

回轡頌

寶華圓滿天尊引出

靈寶領教濟度金書卷之一百七十二

靈寶領教濟度金書卷之一百七十三 壽四

詞做高士開光救苦真人齊集其後
靈寶通玄弘教水南先生林靈其編

科儀立成品類預修用

天曹寄庫醮儀

步虛 燒香頌

各禮師存念如法

衛靈呪

五星列照 煥明五方 水星却災 木德致昌
焚感消禍 太白辟兵 鎮星四據 家園利亨
名刊玉簡 字錄帝房 乘蹕散景 飛騰太空
出入冥無 遊宴十方 五雲浮蓋 招神攝風
役使萬靈 上衛仙翁 與道合真

鳴法鼓二十四通

無上三天玄元始三炁太上老君召出尸身
中三五功曹左右官使者侍香金童傳言玉
女五帝直符直日香官各三十二人出出者
嚴裝關啓玄壇天帝神君當召此間土地里
域真官正神急上關啓臣今奉為入齊書以
令陞壇設醮願得

玉清道炁靈寶妙光下降流入臣等身中即
使玄壇清淨內外成真天無氛穢地絕妖塵
琳琅振響十方肅清萬魔不干真誠上徹令
臣所啓速達徑御

太上無極大道九天金錄無量壽生神君御前

請稱法位

具位臣謹同誠上啓

九天金錄無量壽生神君天曹太皇萬福真
君天曹司命司錄真君天曹司非司危真君
天曹掌籍掌算真君天曹財庫棧庫真君天
曹掌六十甲子壽生真君天曹掌庫判官掠
刺大夫天曹諸司神君隨從主執無鞅聖衆
伏聞道派溟濛碧落仰承於三寶靈光羅絡
紫微高拱於九清蟬聯變理之曹驚列裁成
之職上提聖慈下斡神機三極十華敷慈雲
而掌握九州四海施湛露於指呼主宰有嚴
範圍無外今弟子臣皈心道域請命靈曹騰
素積以馨葵忱已馳風馳望雲霄而彈菲薦
冀降雲驂伏望旌葆前驅檐帷下邁曲副懇
祈之切密睽丹旆不遠應感之私俯臨玄席

其無任激切之至再拜奉請

請聖 初獻

重稱法位

具位臣某謹重誠上啓

九天金錄無量壽生神君天曹諸司真君掌

庫判官一切威靈伏聞天無私覆動天本始於復黎民罔常懷惠民根源於仁澤顧顧天

每切雲霓之望而於民惟施雨露之恩仰企

女曹承流紫闕紀綱赫赫聰明慧智是有臨

圖錄昭昭性命禍福無不載握乾炁坤形之

柄典陽經陰緯之樞令契春生俾涉春臺而

樂意政乎夏長悉歸夏屋之權顏上密衍於

天休下普蘇於民瘼今弟子某披尋瓊笈式

按金經謂受生之債未償累延後劫而寄庫

之資夙備福遠他生琅音出萬變混沌之尊

寶範本六合高明之聖設班聯於倉府列藏

庫於樞垣典領霜明鑒臨日赫聞斯行矣敢

稽昔日之洪恩睨而視之願鑒此時之素禱

茲鋪張於黃籙庸販獨於玄圖鳳戒心修滌

多生之罪障龍符身佩消罔極之冤塵遵玄

元受度之儀按靈寶預修之訣關盟翠蓋證

誓黃輿券弊橫陳償舊通而納善資帛前列

昭新寄以祈祥驛傳假風火之玄函奏啓霄

空之聖所冀諸真委鑒衆聖垂慈勾宿欠之

簿書紀新收之簡籍百年運盡道遙逕上於

南宮萬劫神遊宴樂不經於北府帝恩有翼

神聽無遠臣不勝虔禱之至

亞獻

具位臣某謹重誠上啓

九天金錄無量壽生神君天曹諸司真君掌

庫判官一切威靈伏聞一氣兆神孰保受中

之澄湛萬真佐命盡敷濟下之光明自善惡

動昧於玄機故賞罰靜張於丹憲齋戒沐浴

既殫庸敬之心保抱提攜願鑒克誠之享今

弟子某皈身玄化稽首真乘自覺昨非玩紅

塵而逐景相期今是遵玄範以修齊憤受生

無久假之愆納寄庫有預防之善伏願功昭

天地德契幽明司危削身心口之紛紜掠剝

增福祿壽之昌熾光風霽月常開視履之和

景星慶雲咸塔教願之樂道心開發德性融

昭此世懸懸既仗提携之賜他生遊宴益祈

拯濟之功即起地禁以承符徑詣天曹而合

券所寄者隨取隨與用作津梁所納者無欠

無餘永依砥柱仍祈洪澤普煥丹符數比鄭

八十一司報東岱七十四業恪遵白簡前愆

無跋扈之憂移紀丹書後善有超凌之樂用

昭帝既式慰民情蒙曲鑒於微忱實仰依於

大道臣不勝懇切之至

終獻 送神

具位臣某謹同誠上啓

九天金錄無量壽生神君天曹諸司真君掌

庫判官一切威靈伏聞嶺嶺可薦已殫事上

之儀蕝菲不遺願鑒由中之禱既凡情之懇

切宜神聽之昭彰以今梵唱聲殘步虛韻徹

百和烟沉於碧落千枝霞散於清虛外辨中

嚴迴旌幢於虎帳前呵後從返躬履於螭班

莫攀法從之華徒企神威之耀臣不勝攀戀

之至再拜奉送

存神燒香 回軒頌

送聖 念善

舉真監度醮儀

步虛 燒香頌

各禮師存念如法

衛靈呪

發爐

請稱法位

具位臣某與臨壇官眾等謹同誠上啓

太上无極大道三清上聖十極高真太乙救苦天尊遙快樂天尊九幽拔罪天尊火鍊丹界天尊朱陵度命天尊無量度人天尊長生保命天尊轉輪聖王天尊寶華圓滿天尊東華上相木公青童道君西靈太妙金母萬炁元君九天生神上帝三十二天上帝上清十一曜真君南辰六闕道君北極九府道君二十八宿星君南宮度人不死尊神南極長生大君度世司馬大神好生韓君丈人護魂侍魄養死通血中主君三元三官帝君靈寶五師真君九天諸司真君九天金籙無量壽生神君天曹諸司真君天曹都大校量功德院使真君南昌上官朱陵火府太乙女生府

青玄黃籙院玉清靈虛宮主宰仙官靈寶施

用仙曹三界所向仙曹臨壇執法仙靈官吏

洞天福地得道真仙本靖三洞真仙四輔經

籙法科仙靈官吏本靖祖玄真師列位真人

經籍度師列位真人地水職司城隍社令三

界官屬一切真靈臣聞虛無元聖開龍漢之

玄壇混沌真尊啓鶴鳴之紫策德如天而十

華覆護善若水而八極涵濡乾氣坤形悉屬

範圍之內陽靈陰耀總歸陶冶之中道炁羅

敷靈光洞照臣等濯質涵三稟生得一惜分

切切俄飛碧落之鳥輪進寸悠悠期闈紫微

之鳳笈代天行化體道立功今有弟子某五

濁驚心九清稽首金籙度命祈遵三洞之科

玉簡升神願仰一乘之教玄壇告備丹範將

陳先殫庸敬於頻繫觀朱克誠於葑菲伏願

傾光迴駕監真度生翠葆珠幢縹緲下霄衢

之仗霓旌羽蓋翩翩翻舞禁地之班諸天臨軒

萬真受事臣無任不勝激切之至再拜奉請

請聖 初獻

重稱法位

具位臣某謹重誠上啓

三清上聖十極高真執職玄司無鞅聖眾臣

開道包四大昭昭臨下以流形人並三才赫

赫受中而賦命鍊希夷於碧落守清虛於金

玄三彭操入室之戈五賊奮推極之斧愛河

慈海中流而瀾倒誰迴塵鞅劫輪下坂而陸

沉孰援匪藉提携於紫極曷蘇顛沛於黃埃

今弟子某三省前愆九思後患念跡紛烏免

黑白之陽業難明而心逐冥濛朱墨之陰題

已著不夙駕法橋而利涉曷克躋道岸以先

登袞袞百年兢兢九夜是接威儀於三籙恭

戴齋科肆羅盟信於十華恪遵經法聖力藉

清微之帝善功昭黑鬱之神風戒修持匪但

翼前生之慶址龍符佩奉惟期彰身後之福

田生身受度而靈寶功圓精心預修而玄元

道著幸罄九朝之敬行頌三簡之嚴茲啓玄

壇重鋪丹笈微衆真而監度降萬聖以申明

先秩芳筵肅陳禱祭潛露朝宗之悃莫備多

儀宏敷錫福之恩廣勸小物臣不勝懇切之

至

亞獻

具位臣其謹重誠上啓

三清上聖十極高真執職玄司無鞅聖衆
聞三途五苦下民之業網攸招十地九幽上
帝之靈機所寄非沛龍恩於中極曷潔犴垢
於北華况三官九署之崇嚴兼五帝四司之
峻烈錙銖必較毫髮無遺欲祈真枕之安全
藉覆盆之照今弟子其齋教黃錄科啓紫陽
期今生永享於康寧罪花凋落庶他世不經
於苦惱善果羅敷庸張受度之壇仰扣淨空
之座所冀靈光洞煥梵炁彌羅天尊之御座
端臨慈風誕布列聖之鸞駢拱侍法雨旁施
上歷關於諸天下普告於三界執符把籍齊
到帝前鼓節麾幢咸歸聖化特為弟子其焚
多生之罪薄削夙劫之冤書超玄祖而塚訟
水清度宗親而症殃雲散惡塗落滅尸累飛
騰金液鍊形蕩千災於視履玉符保命迎萬
福於敦頤九霄委悉以生形五炁降靈而毓
質光凝八景芒映列星赤書保制於劫年不
罹守蝕白簡昭膺於步武永契真常更御券

以朝天獲膺降岳開地俾承帝澤密被靈威
消名北府之編寄宇南宮之籍快樂見在融
性命以通玄游宴未來起形神而入妙運應
滅度魂遷升遷受化朱陵輪轉有神仙之望
策功紫極遙遙陪真聖之遊了生滅以如如
廓去來之蕩蕩聖曰永不經於幽暗常獲處於光
明蒙如丹綺之祈允拜洪恩之被伶華逸響
梵唱流明更恪盡於初盟庸備陳於終獻臣
不勝激切之至

終獻

具位臣其謹重誠上啓

三清上聖十極高真執職玄司無鞅聖衆臣
以今煙騰祝鼎霞映鸞缸風磬琳瑯瑤漢旁
飛於霄外雲鏘縹緲玉杓斜界於天中湛夜
炁以無塵麻宸輝而有耀恭願龍輿俯駐風
輦低回白玉毫光奕奕映玄壇之峻紫金瑞
相巍巍臨碧落之崇普三極以提封檄萬真
而監度下全民欲上侈天恩法事周圓別當
奉送臣無任虔禱之至

存神復爐

香官使者左右龍虎君侍香諸靈官當令臣
設醮之所自然生金液丹碧芝英百靈衆真
交會在此香火爐前令臣學道得道求仙得
仙齋官獲福幽顯沾恩十方仙童玉女侍衛
蘭烟傳臣向來所啓速達徑御

太上無極大道高上玉皇大天尊御前

回轡頌

回轡五雲輿 騰駕九章歌 倏忽冲天遠
雕壇香氣多 玄恩覃宇宙 福祿遍山河
緬想神仙路 道遙上大羅

焚燎

靈寶領教濟度金書卷之一百七十三

07 A 8 34 1-1